

IZVJEŠTAJ O OCJENI DOKTORSKE DISERTACIJE

OPŠTI PODACI I KONTAKT DOKTORANTA

Titula, ime i prezime doktoranta:	Msc. BILGAIP MAZNIKAR	
Departman:	Pravni fakultet	
Studijski program:	Doktorske studije	
Broj indeksa doktoranta:		
Naslov predložene teme	<i>Jezik i pismo pisanja rada:</i>	
	<i>Bosanski / Srpski</i>	srpski
	<i>Engleski</i>	
Naučna oblast prijavljene teme:	NOTARJAT KAO JAVNA SLUŽBA POD DRŽAVNIM NADZOROM TE NJEGOV ZNAČAJ I ULOGA PO PITANJU ZASTITE PRAVNE I EKONOMSKE SIGURNOSTI NOTARY AS A PUBLIC SERVICE UNDER STATE SUPERVISION AND ITS SIGNIFICANCE AND ROLE IN PROTECTION OF LEGAL AND ECONOMIC SECURITY	

1

MENTOR

	Titula, ime i prezime:	Ustanova, država:	E-mail:
Mentor:	Prof. dr. Fuad Purišević	Fakultet za kriminalistiku, kriminologiju, sigurnosne studije Univerzitet u Sarajevu, Bosna i Hercegovina	fpurisevic@fkn.unsa.ba
Ostali članovi komisije za ocjenu disertacije:	Titula, ime i prezime	Ustanova, država:	E-mail:
	1. Prof. dr. Rejhan Kurtović	Univerzitet u Novom Pazaru, Republika Srbija	
	2. Prof. dr. Ljiljana Dapčević Marković	Univerzitet u Novom Pazaru, Republika Srbija	
Broj i datum sjednice Naučno-nastavnog vijeća u okviru koje je formirana Komisija za ocjenu			

¹ Molimo Vas da nazovete fajl ovako: Ocjena – Prezime Ime doktoranda.doc
 Ispunjeni obrazac pošaljete u elektronskom i štampanom obliku Centru za doktorske studije.

Broj i datum sjednice
Senata u okviru koje je
formirana Komisija za
ocjenu

Ocjena doktorske disertacije

(ocjena mora sadržati izvorni naučni doprinos)

Kao što se vidi iz samog naslova doktorske disertacije: NOTARIJAT KAO JAVNA SLUŽBA POD DRŽAVNIM NADZOROM, TE NJEGOV ZNAČAJ I ULOGA PO PITANJU ZAŠTITE PRAVNE I EKONOMSKE SIGURNOSTI, zapravo predstavlja notarijat kao javnu službu pod nadzorom državnih organa u zaštiti pravne i ekonomske sigurnosti u pravnom i ekonomskom prometu države.

Doktorska disertacija je napisana na 390 strana, formata A4, ima 428 fusnota, uz respektabilan broj bibliografskih jedinica. Doktorsko štivo, osim uvodnog dijela, ima VI poglavlja, sa više naslova i podnaslova. Posebno ukazujemo na zaključke, ali i na preporuke, te na rezultate empirijskog istraživanja o percepciji i praksi notara u vezi obezbeđenja pravne i ekonomske sigurnosti, uz korištenje grafikona koji na simplificiran, ali eksplicitan način prikazuju istražne spoznaje.

Naime, iako se radi o dva odvojena segmenta sigurnosti (pravna i ekonomska) u holističkom smislu, ovi pojmovi su sa svojim posebnostima itekako interferentni.

Sama eksplikacija pravne i ekonomske sigurnosti, dovodi doktoranta do nedvojbenog i neprijepornog zaključka da nepoštivanje pravne i ekonomske sigurnosti podjednako pogađa i pojedinca i državu, odnosno pojedinačni, ali i javni ili opći interes.

U izradi doktorske disertacije, doktorant je koristio brojne bibliografske jedinice koje neposredno ili posredno obrađuju pitanja notarske javne službe sa javno-pravnim ovlaštenjima, te ukazao na uticaj i značaj aspekata pravne i ekonomske sigurnosti, ne kolidirajući ih.

S tim u vezi, doktorant ukazuje na brojne akte kojima se uređuje obavljanje notarskih poslova, nacionalnog i međunarodnog karaktera, a koji nameću obaveze preventivnog i represivnog djelovanja po pitanju radnji interferentnog karaktera, a tiču se obavljanja osnovne notarske djelatnosti.

Doktorant ispravno konstatuje da bi notari trebali da posjeduju i određene istražne, pa čak i forenzičke vještine (npr. kako prepoznati da se radi o nezakonito stečenom novcu, kako prepoznati falsificirane akte i sl.). Doktorant je provedenim istraživanjem potvrdio da je u više od 75% anketiranih notara iskazana potreba za dodatnim obukama iz ovih oblasti.

Sve ovo, do sada rečeno, neprijeporno potvrđuje nedvojbenu potrebu za ovakvim štivom, koje ukazuje na nezakonite radnje kojima se ugrožava pravna i ekonomska sigurnost. Za izradu ove disertacije, korišten je jedino objektivno moguć pristup, a to je pragmatičan multidisciplinarn pristup i perceptivna aktivnost. Cilj istraživanja proizilazi iz definiranog predmeta i ogleda se u sagledavanju mjesta i uloge notarijata, kao javne službe, a koja je, zbog karaktera javnosti, pod nadzorom državnih organa po pitanju pravne i ekonomske sigurnosti, odnosno pravnog i ekonomskog prometa u nacionalnom i međunarodnom saobraćaju. Kandidat je svoju doktorsku tezu, kao doktrinarno-empirijski rad, obradio na originalan i recentan način, te time ujedno potvrdio i naučni doprinos u percepciji notarijata, kao javne službe.

Naime, kandidat u svom radu ispravno zaključuje da tačku vezivanja pravne i ekonomske sigurnosti, zapravo predstavlja javnobeležnička služba. Skoro sve zemlje koje su se odlučile za uvođenje javnobilježničke službe u svoj pravni sistem, primarno ističu da će se uspostavljanjem notarijata ostvariti veći stepen pravne i ekonomske sigurnosti. Međutim, analizirajući dostupnu literaturu, veoma malo toga je napisano u smislu konkretizacije, odnosno na koji način to javnobilježnička služba direktno ili indirektno doprinosi zaštiti pravne i ekonomske sigurnosti. Zato se u ovom doktorskom radu seriozno i kvintesencijski prikazuje ovaj novum javnobilježničke službe koji doprinosi pravnoj i ekonomskoj sigurnosti, a istovremeno potvrđuje originalnost, recentnost i izvorni naučni doprinos ove doktorske radnje, odnosno njenog autora.

Ovom doktorskom tezom se potvrđuju da je javnobilježnička služba, pored: inspekcijskih organa, policije i organa krivičnog pravosuđa, iznimno bitan subjekat u zaštiti i očuvanju pravne i ekonomske sigurnosti. Na ovo ukazuje, prije svega, analiza teorijskih koncepata pravne i ekonomske sigurnosti, koja je prikazana u radu, ali i detaljna analiza zakonskih odredbi koje reguliraju notarsku delatnost, ali i empirijske spoznaje.

Posebni izvorni naučni doprinos ove doktorske teze se ogleda u prikazu javnobilježničke službe sa mikro i makro aspekta, te uloga javnobeležničke službe u zaštiti pravne i ekonomske sigurnosti u različitim domenima.

Uz navedeno, doktorant ispravno zaključuje da su ključni oblici ugrožavanja pravne i ekonomske sigurnosti sa kojima se suočava javnobilježnička služba, kriminalne aktivnosti koje su zasnovane na prevarnim radnjama. Ovu posebnu ili specifičnu hipotezu potvrđuje i rezultatima empirijskog istraživanja koje je provedeno za potrebe izrade disertacije u kome je 84,4% anketiranih notara označilo prevarne radnje kao najčešći oblik kriminalne delatnosti sa kojom se susreću u svom radu.

U vezi sa naprijed navedenim, doktorant pravni i ekonomski aspekt sigurnosti javnobilježničke službe pod državnim nadzorom, prikazuje na rezpozivan način, te ukazuje na ovaj veoma važan segment sigurnosti u svakom društvu, o čemu doktorant seriozno izlaže.

Naime, uloga i značaj notarijata, kao javne službe, po pitanju pravnog i ekonomskog prometa uveliko doprinose vladavini prava, legalnosti pravnih poslova, povjerenju građana u institucije, kvaliteti života građana, nivou stranih direktnih investicija, konkurentnosti tržišta kao i u mnogim drugim pitanjima. Pitanje pravne i ekonomske sigurnosti i uloge notarijata u njenoj implementaciji, veoma su bitni segmenti legalnog i legitimnog djelovanja pojedinca i države, što također predstavlja originalnost i recentnost ove radnje čija je izrada bila opravdana, a potvrdilo se da je kao takva sa naučne i praktično spoznajne strane neupitna.

U namjeri da obezbedi maksimalno moguću zaštitu oba ova segmenta sigurnosti, država usvaja različita pravna sredstva koja imaju za cilj, prije svega, uređenje ponašanja u sferama koje su značajne za pravnu i ekonomsku sigurnost. Međutim, ova dva segmenta sigurnosti često se zloupotrebljavaju, te se koriste kao metode nedozvoljenih radnji što državu primorava da reaguje i represivnim sredstvima (ultima ratio), koristeći u tu svrhu i krivično pravnu zaštitu. Ovo se uglavnom vrši inkriminiranjem za pojedina djela kojima se ugrožava pravna i ekonomska sigurnost, konstatuje doktorant.

Također, država u cilju pružanja pravne i ekonomske sigurnosti u pravnom i ekonomskom prometu, putem notarske javne službe pruža i građansko-pravnu zaštitu. Pravni instrumentarij za pružanje ovih javnih usluga, država uređuje vlastitom legislativom. O čemu doktorant na zadovoljavajući način kazuje.

Uzevši u obzir da je pravna i ekonomska sigurnost obrađivana od strane domaćih i stranih autora sa različitim aspektata, doktorant zato koristi sve raspoložive metode, iznalazi aktuelne, recentne i originalne pristupe u obradi ovih pitanja, a pri tome zapaža njihovu bitnost za normalno funkcioniranje i razvijanje jedne društvene zajednice. S ovim u vezi, doktorant je uspio iznaći tačke vezivanja između pravne i ekonomske sigurnosti, odnosno građansko-pravne i krivično-pravne odgovornosti i zaštite, te ih identificirati i u notarijatu. Naime, uvođenje notarijata kao javne službe pod nadzorom državnih organa, uglavnom se opravdava namjerom povećanja nivoa pravne sigurnosti kod prenosa stvarnih, kao apsolutnih prava i slično. Također, notari, odnosno notarske službe, se javljaju kao subjekti koji bi trebali da upozore (preventivno djelovanje), između ostalog, na postojanje sumnjivog kapitala, nezakonito stečenog novca i slično. Ukoliko se to ne bude činilo, doktorant ispravno zapaža da bi onda na taj način bila neposredno ili posredno ugrožena pravna i ekonomska sigurnost jedne zemlje. Ovo su bili kvintesencijski razlozi da ovu doktorsku radnju ocijenimo originalnom i recentnom, uz konstataciju da ista sadrži i neprijeporan izvorni naučni doprinos.

Stoga, pozitivno, odnosno podobnim ocjenjujemo doktorski rad pod naslovom: NOTARIJAT KAO JAVNA SLUŽBA POD DRŽAVNIM NADZOROM, TE NJEGOV ZNAČAJ I ULOGA PO PITANJU ZAŠTITE PRAVNE I EKONOMSKE SIGURNOSTI, uz konstataciju da rad ima sve relevantne naučne uzuse.

Zbog svega navedenog, ovlaštena Komisija

P r e d l a ž e

Univerzitetu u Novom Pazaru da se u što skorije vrijeme zakaže javna odbrana doktorske disertacije pod naslovom: NOTARIJAT KAO JAVNA SLUŽBA POD DRŽAVNIM NADZOROM, TE NJEGOV ZNAČAJ I ULOGA PO PITANJU ZAŠTITE PRAVNE I EKONOMSKE SIGURNOSTI, kandidata msc. Bilgaipa Maznikara.




Mišljenje i prijedlog:

Izdvojeno mišljenje (samo ako neko od članova Komisije za ocjenu teme ima izdvojeno mišljenje)

Potpis

(ime i prezime člana komisije)

NAPOMENA (po potrebi):

Komisija za ocjenu doktorske disertacije	Titula, ime i prezime, ustanova, država:	Potpis:
	1. (predsjednik Komisije) Prof. dr. Rejhan Kurtović	
	2. (mentor) Prof. dr. Fuad Purišević	
	3. (član Komisije) Prof. dr. Ljiljana Dapčević Marković	

U Novom Pazaru, 4.1.2022. godine